

Lxxxij

hat dat tzeichen dairüb die pha-
riscen sprächen zo in seluer syet ir
dat wir niet schaffen syet die gäl-
se werlt is nae im gegange dat sy
breeden in de hoichzytlichen dach
vñ die giengē zo philippū der da
was zo berjaida galilee vñ badē
in vñ sprächen heer wir wyllē ihe-
sum syen do quā philippus vñd
sacht yt adie dar na philippus
vñd andreas sachtē it iesu. Euer
ihesus antworde in sprechende yt
kompt die vre dz ercēert wirt des
mynsche soen vñrwair vñrwair
sacht ich vch yt sy dan dat dat
weyssen kom velt in dat erdtrich
sternē so bliufft it alleyn strefte yt
euer so hāngt it vil vruchtz wer-
lieff hait syn syele der verluyst sy-
wer euer hafft syn syell in disse
werlt der behuyt sy in dat ewige
leue wer mir dient der volge mir
nae vñ wa ich bin da wirt ouch
mijn dienē syen wer da mir diē
den wirt eeren mijn vader nu is
mijn syele beduyft vñd wat sal
ich sprächen vader behalt mych
vp der stond euer dairüb bin ich
komē in disse stond vader ecklere
dynē naem do is cyn stime ko-
men vān hymmel sprechēde Vñ
ich hān eckleert vñ werde in euer
eckleren Euer disse schare die da
stond vñ dat hoerde die sprächen
yt weer cyn donnerslach geschyēt
euer etlich sprachē cyn engel hait
gesprochē zo im iesus antworde
vñ sprach niet vmb mich is disse
stime komē sond vmb vre willē
in is dat gerichē disse werlt nu
wirt der vurf dysser werlt vrs
geworpe vñ of ich erhoecht wurd
van der erde so werd ich alle ding

zo myr seluer syen vñ dat sprach
he zo bezeichnen wat doids he-
sternē worde do antworde in
die schare wir hān geboert vrs
de geseg dz christus bliufft ewelch
vñ wie sprichstu des mynschen
soen moīs erhoecht werden vñd
wer is des mynsche soen dairüb
sprach iesus zo yn noch eyn wey
nich lychts is in vch wādelē die
wyl yt dat licht hait dat vch die
duyfternyse niet vmbgriffen
vñ wer da wandelē in d duyster-
nissen der weys niet wa he geer-
die wyl ir dz licht hait so gelouft
in dat lycht dat ir kind des lychts
syt dit sprach ihesus vñd gieng
eweck vñ verbarch sych vor yn

Op dem palmdach

so man die palmē segent lectio
C In diebus illis Venerūt filij
israhel in helim. Exodi. xvi.
C In de dage do quamē die kind
van israhel in helim da waren
zwelf bornē der wasser vñ seuen
zich palmboum vñ sy maichden
eyn getzelt by den wasseren vñ sy
voeren vā helim vñ ir quam all
mēnichde der kind van israhel in
die wuystenie sin die da is tusche
helim vñ synai in dem xv. dach
des anderē mandē na de als sy
vp gegāgē syen vā de land egypti
vñ do murreredē all kinder vā
israhel widder moysen vñ aaron
in der eynsamheit vñ die kind vā
israhel sprachē wold god dat wir
gestouē weere durch d e hend des
herē in de land egypti da wir sauf-
sen vp die doppen des vlesch vñ
aissen broit i satheit wānüb hait
yt vns ghevuyt in die wuystenie
ii ij